

# **TUSI TAIALA**

---

**MO LE PULEA TATAU MA LE VA'AIA LELEI O  
I'A MA FIGOTA O LE GATAIFALE**

---

**O LE AFIOAGA O**

## **FALEALUPO**

**(Tusia Aso 22, Novema, 1996)**

**Saunia**

**Tagata o le Afio'aga o Falealupo ma le lagolagosua a le  
Vaega o Faigafaiva o le Matagaluega o Faatoaga ma  
Faigafaiva.**

**POLOKALAME MO LE FAALAU TELEINA O AOAOGA  
TAU FAIGAFAlVA O LE MALO O SAMOA**

i le Vaega o Faigafaiva o le Ofisa o Faatoaga ma Faigafaiva  
faapea ma le Polokalame Fesoasoani a le Malo o Ausetalia.

# FAASOLOGA

## **1. Fa'amatalaga e uiga i le afio'aga,**

1.1 Faamatalaga o foliga va'aia faanatura o le Afio'aga

1.2 Faafanua o lenei Afio'aga

## **2.m Tulafono i Aso ua Mavae ma Aso nei (Siosiomaga o le Gataifale ma Faigafaiva)**

2.1 Aotelega o tulafono o le siosiomaga o le gataifale ma faigafaiva i aso ua mavae ma ona po nei.

## **3. O lenei Fuafuaga Tatau**

3.1 Autu

3.2 Tapenaga

## **4. Fuafuaga Faataatitia a le Afio'aga**

4.1 Ina ia faamalositia tulafono faalenuu e faasaina ai faigafaiva e le talafeagai i Falealupo .

4.2 Ia faasalalauina tulafono a le Afio'aga.

4.3 Ia iloilo ina tulaga talafeagai o le faasaoina o se vaega o le gataifale o le Afio'aga .

4.4 Ia iloilo ina le tulaga talafeagai ma le lelei o le gataifale mo le tufaina atu ma le faafaatoagaina o i'a ma figota .

4.5 Ia unai'a Faigafaiva i tua 'au ma Aoaoga mo faigafaiva.

4.6 Faamatalaga e uiga i Upega ma I'a laiti.

4.7 Ia taofia le lafoaiina ma le faatafunaina o le Gataifale.

## **Fa'alupega o le Afioaga**

**AFIO AUVAA MA AIGA  
SUSU LE MAOPU O NAFANUA  
AFIO ALO SINA, SUSU LE GAFA  
TEINANE LE FALEFA O LE  
TAPUAIGA.**

## **Faatomuaga**

O lenei fuafuaga o le Pulega o le Siosiomaga o le Gataifale ma le Va'aia Lelei o i'a ma figota, na saunia e Alii ma tagata o le Afio'aga o Fagae'e faatasi ai ma le lagolagosua a le Vaega o Faigafaiva o le Matagaluega o Faatoaga ma Faigafaiva (MAF) atoa ai ma le Polokalame Fesosoani a le Malo o Ausetalia (Aus Aid).

### **Sui auai o le fono faai'u e taliaina ai lenei fuafuaga.**

Ali'i Taua  
Pulenuu  
Failauga  
Alii Ofisa sili o le vaega o Faigafaiva  
Alii Ofisa Sinia o Faigafaiva  
Alii Ofisa mo le Va ma Nu'u  
Alii / Tamaitai Ofisa  
Ma Nisi Sui

Sui o le Komiti mo le Vaaia Lelei o ia ma figota (KVL);  
(Ia faamaeaina pe a uma le fono faai'u e taliaina ai fuafuaga ;sui o le Komiti Faufautua mo le Vaaia Lelei (KFVL) e talafeagai mo lea tulaga)

---

Sui filifilia o le Komiti Faufautua mo le Vaaia Lelei o ia ma figota (KFVL)

Alao Simona Auvaa  
Paletaau Filo  
Fetu Peseta  
Lole Uivaa

Tuimaoe Filo  
Taalefilo Tuimaoe  
Lili Uivaa

Taii Malele  
Nuu Relima  
Pua Tuimaoe

### **Sui o le Ofisa o Faigafaiva;**

Etuati Ropeti	Alii Ofisa Sinia o Faigafaiva i Savaii
Meter Matther	Alii Ofisa Faigafaiva
Apulu fonote	Alii Ofisa mo le Vafealoai ma nuu ma Afioaga
Loimata Leena	Tamaitai Ofisa mo le Vafealoai ma nuu ma Afioaga

Ailupo F. Kolia	Failauga mo le Ofisa Faigafaiva i Savaii
Totive Albaina	Alii Ofisa Faigafaiva
Uelese Tufuga	“
Maatui Fitifiti	Alii Ofisa Lagolago o Faigafaiva
Mamoe Manolo	“
Mikaele Lafaele	“

## FAALAUITELE

<b>Fa'amatalaga</b>	<b>Aofaiga</b>
O le faitauaofai o tagata o leneu alalafaga	700 - 800
O le aofai o aoga i totonu o le afioaga ---Tulagalua Junior High	1 0
Aofai o Ekalesi i totonu o le afioaga; 1 Katoliko, 1Mamoga,3 EFKS , 2 Aso Fitu	7
O le umi o le aau o le Afio'aga	1 km
O le mamao o le aau mai le matafaga (mita)	100 mita
Vaega aupito sili ona loloto o le aloalo pe a pe le tai (loloto , futu)	8 futu
Vaega loloto o le aloalo pe a pe le tai i aso ua mavae (futu)	4 futu

## FAIGAFAlVA

<b>Fa'amatalaga</b>	<b>Aofaiga</b>
O le fitauaofai o tamaloloa faifaiva e fagogota i le tasi le aso i le vaiaso	10
Aofai o fafine fagogota i le aso i le tasi vaiaso	5
Aofai o tagata fagogota i tuaau i le aso i le tasi le vaiaso	1 - 5
Aofai o paopao e faaaogaina mo faigafaiva i totonu o le Afio'aga	> 10
Aofaiga o alia fagota o lo o faaaogaina mo faigafaiva	0
E faatagaina ni tagata fagogota mai nisi alalafaga e fagogota i lo uotou gataifale?	Leai

<b>Ituaiga I'a / Figota</b>	<b>Ituaiga Faigafiva</b>	<u>Taimi faaalu mo le tasi tau'i'a /10 i'a / ofu(Hrs)</u>	
		<b>Taimi nei</b>	<b>10 tausaga ua tea</b>
I'a maua soo (se 5)			
1. Pone	Matatao	½ itula	30 minute
2. Alogo	Matatao	1 itula	30 minute
3. Malau	Matatao	1 itula	30 minute
4Mataeleele	Ofe	1 itula	30 minute
5. Mamai	Ofe	1 itula	30 minute
Figota maua soo (se 3)			
1. Aliao	Faaau	2 itula	1 itula
2. Alili	Faaau	2 itula	1 itulas
3. pipi	eli	1 - 2 itula	30 minute

<b>Isi Faigafaiva</b>
Mu moli
Afa afa loloa
Sei mataleele
Tui laau

<b>Isi taumafa o le Sami</b>	<b>Taimi faaalu mo le /10 mea ua taua (Hrs)</b>
Tuitui	1 itula
Faisua	2 itula
Ula	2 itula
Paa	2 itula
fugafuga	2 itula
Sea	---

VAEGA TAUA O LE SIOSIOMAGA MO FAUGAFAIVA

<b>Vaega</b>	<b>Vaega taua (sikuea mita)</b>	<b>Taimi nei Sefulu tausaga ua te'a</b>
Togotogo	-----	-----
Amu	>700 sikuea mita	< 700 sikuea mita

2 O lenei fuafuaga tatau

21 Autu

O lenei fuafuaga ua taua ai ni faatinoga e manaomia ina ia maua ai sona taunuuga maumaututu . O le faamoemoe maualuga o le Malo ina ia faalelei le siofua maloloina o tagata o le Afio’aga , ma ia fatupulaia atili le fofoga taumafa mai le sami . O lea e manaomia ai tagata uma ina ia avea nei faatinoga e puipuia ai le siosiomaga o le gataifale ma ia fuafua tatau ai le soona fagaota . O nei fuafuaga na faaalua e le Komiti Faufautua o le Va’aia Lelei o ia ma figota (KFVL) o le Afio’aga e avea ma autu.

**“Ina ia puipuia le siosiomaga o le Gataifale ma le toe faatupulaia o Ia ma Figota mo tupulaga o le lumanai.”**

Na ioeina e le fonotaga a le Komiti (KFVL) i le Aso 12 o Novema,1996 o le Fono a Alii ma Faipule latou te faamalosi ma uanaia vaega eseese o le Afio’aga aua le puipui ma le faasao o atinae ma alamanuia o le gataifale o Falealupo. O le komiti o loo gafa ma le tapenaga o tulafono o tuafono aemaise o vaega uma e tatau mo le pule mamalu a Alii ma Faipule mo le pasiaina .

O lenei fuafuaga ua faamoemoe ina ia oo atu i se taimi oi luma o lo’o faa’aogaina pea, ae peitai afai ae i ai se suiga , e tatau lava ona toe su’esu’eina lenei fuafuaga.

## **2.2 Tapenaga**

O leni tapenaga sa sunia lava e tagata o le Afio'aga o Falealupo Faatasi ai ma ni fautuaga auiliili ma le lagolagosua a le vaega o Faigafaiva o le Matagaluega o Faatoaga ma Faigafaiva . O se oototoga leni o tapenaga o le Pulega o le Siosiomaga o le Gataifale ma le Va'aia Lelei o i'a ma figota.

**Feiloaina Muamua :** O leni feiloaiga muamua sa faafesootai lea e Loimata. Leena (VEF) ma Totive Aloina (FO) o le Ofisa o Faigafaiva i le Aso 10 o Iulai , 1996 i le susuga i le alii pulenuu o Falealupo ( Alao Simona Aauvaa )

**Fono Muamua:** O le tauaofiaga o le fono tele a le Afio'aga i le Aso 19 o Aukuso , 1996 na taliaina aloaia ai leni polokalame e le mamalu o Alii ma Faipule.

**Vaevaeina o Vaega :** O vaega sa vaevaeina i ai e aofia ai Matai , Aumaga ma le Komiti a Tina ma Tamaitai . Sa feiloai nei vaega ma sui o le Ofisa o Faigafaiva (Extensión staff) ma faatalatalanoaina o faafitauli o le gataifale o loo aliae i le Afioaga atoa ai ma ni tali talafeagai e áfono foia ai nei faatitauli. O leni fono sa faia i le Aso 4 o Novema ,1996 i Falealupo Tai ( Avata)

**Komiti Faufautua mo le Va'aia Lelei o i'a ma figota (KFVL):** I leni komiti o lo'o aofia ai sui taitoatasi sa filifilia mai i vaega taitasi latou te molia finagalo faa'alia o vaega eseese i se fonotaga faale-komiti . O leni komiti sa latou tuufaatasia faamaumauga ma faamatalaga mai i vaega taitasi ma sa mafai ai ona latou tapenaina se ata faataitai o le Pulega o le Siosiomaga o le Gataifale ma Va'aaia Lelei o i'a ma figota . O leni fuafuaga o lo'o aafia ai lagona o tagata o le Afio'aga i le puleaina o faigafaiva ma le siosiomaga o le Gataifale.

**Tauaofiaga o le Fono Tele:** O le a tauaofia leni Fono i le Aso 11 Tesema , 1996 mo le taliaina atoa ma se teuteuga o le fuafuaga muamua o le pulega o le Siosiomaga o le Gataifale ma le Va'aia Lelei o i'a ma figota o le Afioag o Falealupo.

## **3 Tulafono faale-nuu i aso ua mavae ma aso nei.**

O le tele o tulafono i aso ua mavae o lo'o faa'auau ona faa'aogaina pe i o aso nei . O nei tulafono e aofia ai ; fanai'a , ava niukini , vailaau oona ma tuiga.

O le faa'aogaina o fanai'a , avaniukini m vailaau oona mo fagotaga sa faasaina lea i totonu o Fagae'e , ae peitai e lei faasalalauina lea i le leitio (2AP) vagana ai totonu o le Afio'aga ua maea ona fofogaina ai.

O nei tulafono o lo'o faamamaluina ma amanaiaina e pei ona sa i ai i le taimi muamua faatoa faamamaluina ai i totonu o le Afio'aga o Falealupo .Ae le o mamalui . nei vaitaimi ona o le le amanaiaina e isi Afio'aga o tulafono a Falealupo .Ae o le a faamamaluina pe a maea le fonotele ia Tesema , 1996.

**O mafuaaga la nei e pei ona taua e aofia ai :**

- . Leai o se faamalasia faale-malo,
- . O nisi tagata o lo'o silasila nao le taimi nei ae le o tagai i le taimi oi luma Faapea foi ma le lumana'i manuia o tupulaga o le Afio'aga o lo o lalovaoa.

O nei mafuaaga uma o loo aafia i le Fuafuaga mo Pulega o le Siosiomaga o le Gataifale ma le Va'aia Lelei o i'a ma figota o Falealupo.

E le gafatia na o le malosi faaletulafono a le Malo ona malu puipuia ai le siosiomaga o le gataifale ma ona tamaoaiga . E utiuti tulaga tau tupe ma to'agaogao foi le afaigaluega a le Malo latou te faamalasia ma unai'a tulafono tau faigafaiva i nuu taitasi o Samoa. O le fofu talafeagai o lo'o i aao o tagata o loo soifua ma alaala i le Afioaga faatasi ai ma le faamalumaluga a le Fono a Alii ma Faipule. O lenei tali o le a le pine ona unai'a tagata latou te galulue faatasi ina ia malupuipuia ma faaleleia le siosiomaga o le gataifale ma ona tamaoaiga mo nei ma tupulaga o le lumanai.

**4. Fuafuaga Faataatitia**

O fuafuaga faataatitia o ni gaoiga ua faamoemoe e faono foia ai faafitauli ua faaalua ma faailoa mai e vaega eseese o le Afio'aga. E lua (2) ituaiga fuafuaga faataatitia lea ua fuafuaina . Muamua , o le fuafuaga ua aupito sili ona taua , o fuafuaga faataatitia lea ua faaagaga mo nuu poo Afioaga . O lona lua o fuafuaga faataatitia , ua faamoemoe lea mo le Ofisa o Faigafaiva , ma o lenei tapueina o le faamoemoe ua fuafuaina. O gaoiga uma lav ua faamoemoe e faatino ai fuafuaga faataatitia mo le Ofisa o Faigafaiva e ao ona faamaonia e le Faatonu Lagolago (Faigafaiva) o le Matagaluega o Faatoaga ma Faigafaiva .O ne fuafuaga uma ua faamoemoe lo latou faataunuuna i le lagolagosua mai o le Afioaga ma ona tagatanuu. O fuafuaga faataatitia o le a fesosoani ai vaega o faigafaiva e ala atu i ata video m, pepa o faamatalaga , faia o ni tautalaga i vaega eseese e pei o aoga ma faalapotopotoga faale- ekalesia atoa ai ma le susesueina o tulaga eseese o le gataifale e talafeagai mo atinae.

Na faavae ma pasiaina e le fono a le komiti i le aso 22 o Novema , 1996 ni tulafono e aiaia ai nisi o mataupu e pei ona taua :

- . O faigafaiva le talafeagai -( e pei o fanaia ,vailaau oona , ava niukini ma isi)
- . Faaititia faigafaiva i le aloalo
- . Nisi o vaega faasaoina e pei o - ogasami faasaoina , faafaatoagaina o ia ma figota le sami.
- . Faatafunaina o le gataifale



O se aotelega o nei fuafuaga faataatitia na faapogai mai leai faatalatalanoaga o faafitauli ma tali talafeagai i fonotaga a vaega eseese o le Afio'aga . O nei fuafuaga ua aofia ai faatinoga ma tulafono e pei ona fautuaina e vaega eseese mo le fono mamalu a Alii ma Faipule .

#### ***4.1 Ina ia faamalositia tulafono faale-nuu e faasaina ai faigafaiva e le talafeagai i Falealupo***

##### **Otootoga**

O nisi o faigafaiva ua mautinoa lo latou tulaga ogaoga i le faatamaiaina o le fogatai (amu) ma le tele o meaola o le gataifale , ma o se faataitaiga o nei ituaiga o faigafaiva e pei o le vailaau tālavalava ,ava niukini ,tuiga poo le faamoā atoa ai saeuga ma fanaia. Ua le gata ina faatamaia ai se vaega tele o le fogatai (amu) ae ua faapena foi ona faaumiumi se taimi e mafai ai ona toe faatupuina le tele o mealoa o le gataifale ua aafia ma mamate i nei ituaiga o faigafaiva .A faaleagaina le fogatai o lona uiga o le a leai ni i'a ma ni figota e maua mai .

##### **Fuafuaga Faataatitia a le Afio'aga.**

Ua molimauina e le Afioag le malu puipua o pulega faalenuu i aso nei. O le fonotaga i le aso 12 o Novema ,1996 a le Komiti (KFVL) na molimauina ai le toe faamalositia ma unaia ai le komiti ina ia toe faasalalauina ma faamautuina ataili le tulafono ina ia malu puipua ai tulaga o le atinae aemaise o ogasami faasaoina .

##### ***Fautuaga***

Ina ia faatumauiina pea le faamalositia o lenei tulafono o loo iai a le Afioaga mo le faasaina o faigafaiva le talafeagai.

##### ***Tulafono :-***

*“Ua matua faasaina lava faigafaiva le talafeagai e pei o fana'ia, ava niukinio ,faamo'a/tuiga/saeuga ma vailaau oona i le gataifale o le Afio'ag o Falealupo.*

##### ***Faasalaga Fautuaina***

O le faasalaga o loo i ai nei mo se tagata e maua ua ia solia lenei tulafono,e lima(5) i le sefulu (10) aumatua. O le lē usitaia o lenei faasalaga o le a tuuina atu loa i le tulafono a le Malo . Sei vagana ai tagata mai isi Afioaga o lona faasalaga o le a molia loa i le tulafono a le Malo.

##### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afio'aga e ala atu i lana polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga .

## ***4.2 Ia faasalalauina tulafono a le Afio'aga***

### **Otootoga**

Ua fautuaina e le KFVL le faasalalauina o tulafono a le nuu ua faamoemoe ma faaagaga i le puipuiga o le siosiomaga o le gataifale ma ona tamaoiga ma faigafaiva . Sa iloiloina foi e le komiti e ao ona toe faasalalauina tulafono , i aso ua mavae faatasi ai ma nisi o tulafono fou ina ia mafai ai ona maua le silafia aflautele o le atunuu ma tagata lautele e tusa o aiaiga uma o nei tulafono .

### ***Fautuaga***

Ina ia silafia ai e le Atunuu aemaise ai o Afio'aga tuaoi ma ia faapea foi ona nofo uta i ai e tusa o faasalaga ua aiaia e Alii ma Faipule o Falealupo.

Autu o le Faasalalaga -; **“Puipuiga o le Gataifale o Falealupo”**

### ***Taimi Fautuaina***

O le faasalalauina o tulafono uma atoa ma ona aiaiga o le a faataunuaina pe a maea ona pasia e le Fono a Alii ma Faipule o le Afio'aga i le masina o Tesema , 1996.

### **Fuafuaga Faataatitia a le Ofisa o Faigafaiva**

O le fesoasoani le Ofisa o Faigafaiva i le tapenaina o le tulafono a le Afioaga atoa ai ma le faasalalauina mo le silafia e le Atunuu .O lenei foi tulafono , o le a faamalosi e le Ofisa o Faigafaiva i lalo o lana Tulafono 1996.

## ***4.3 Tulafono e taofia ai le faatafunaina o le gataifale – lafoaiina o otaota i le sami ma matafaga.***

### **Otootoga**

Ua pasiaina foi e le komiti (KFVL) ina ia tuuina i le Komiti a Tina mo le vaaia lelei ma le faamamaina o le gataifale , ua aiaia foi la e le Komiti a Tina faasalaga mo soo ae tagata e faatafugaina le gataifale.

### **Fuafuaga Faataatitia a le Afio'aga**

O nisi o fuafuaga faataatitia a le Afio'aga o le saunia lea ma eliina o se lua e faaagaga mo le tuuina i ai o lapisi ma otaota e pei ona taua i le tulafono.

### ***Tulafono***

*“Ua matua fasaina lava ona toe lafoai lapisi ma otaota e pei o atigi apa , fagu , uamea, pepa iila ma isi i le sami.”*

### **Faasalaga**

O le solia o lenei tulafono o lona faasalaga e \$20.00 mo le aiga e lafoaia otaota ma lalisi i le sami .Afai ae le utagia le faasalaga , o le a tuuina atu loa i le Pulega Mamalu a Alii ma Faipule o Falealupo.

### **Fuafuaga Faataatitia a le Ofisa o Faigafaiva**

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lona polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga.

### ***4.4 Ia iloilo ina le tulaga talafeagai o le faasaoina o se vaega o le gataifale o le Afioaga.***

#### **Otootoga**

O se vaega o le gataifale ua faasaoina e tatau ona le toe aafia lea i ni faigafaiva .O le avea o se vaega o le gataifale ma ogasami faasaoina e ao ona aafia ai le malu puipuia o le siosiomaga ma ona tamaoaiga (figota ma i'a) .O lenei vaega faasao o le a faasaoina ai togotogo , amu , aau faapea foi i'a ma figota ina ia mafai ona maua e nei meaola le avanoa e tautuufua ma fanafanau ai . O le autu taua lava, o le a avea ai lenei faasao ma puna'aga o ia ma figota e mafai ai ona faaleleia nisi o vaega o le gataifale ua afaina .O le a fanafanau ma tautuufua i'a ma figota o lo'o aumau ma nofonofo i le vaega faasaoina ma tafea atu o latou fua fanau ma faatupuina ai meaola i nofoaga ua le maua ai ni i'a ma figota . O le a le pine ona manuia i tatou ae faapea foi tupulaga o le lumanai.

### **Fuafuaga Faataatitia a le Afio'aga**

*O le Afio'aga o ao ona --;*

- \* Galulue faatasi ma lagolagosua i le aufaigaluega a le Ofisa o Faigafaiva i le faatinoina o le iloiloaga o le tulaga talafeagai o se vaega o le gataifale o Falealupo e avea ma vaega faasaoina.
- \* Talanoaina ma auiliilina se lipoti ma ia faia iai se faaiuga i le faavaeina o le vaega faasaoina.
- \* Ia faatinoina loa fuafuaga mo le faavaeina o le vaega faasao e pei o le mataitau ,tausiga ma le pulea lelei o se vaega ua atofaina .
- \* Ina ia faasalalauina i le ea se maliliega o le Afioaga ua i ai, e faasaga i le ogasami faasaoina .O tagata fagotota uma e tatau ona faagata le fagotaina , i pine o le a failogaina mai i le ogasami faasaoina .

### **Fuafuaga Faataatitia a le Ofisa o Faigafaiva**

O le Ofisa o Faigafaiva o le a ;-

- \* Faatinoina le suesuega o le tulaga o se vaega o le gataifale e avea ma vaega faasaoina a'o le'i maea le masina o Tesema 1996.
- \* Saunia se lipoti mo le tuuina atu i le komiti o le Pulega o Faigafaiva ma le fono mamalu a le Afio'aga

- \* O le ā tuuina atu ni fautuaga ma ni faamatalaga mo le tausiga, pulea ma le vaai lelei o le vaega faasaina o le gataifale o le Afio'aga .

#### **4.5 Ia iloiloina le tulaga talafeagai ma le lelei o le gataifale mo le tufaina atu ma le faafaatoagaina o i'a ma figota**

##### **Otootoga**

O le tufaina atu, ua faatatau lea i le aumaia o ni figota po'o ni i'a mai isi Atunuu ma tufa atu e faaola i se ogasami ua talafeagai .O le faafaatoagaina ua faatatau lea i le faaolaina-i-vai o ia ma figota i se nofoaga ua saunia .O le tufaina atu ma le faafaatoagaina o nisi ia o auala faa-atinae mo le faatupuina o i'a ma figota aua le fofoga taumafa o se afio'aga. O nei auala faa-atinae e moomia ai lava le galulue filiga ma le faamaoni o le Afio'aga ina ia ausia se taunuuga lelei.

Na faatalosagaina foi e le KFVL le faia o se aoaoga ma le tuuina atu o ni faamatalaga mo le faaolaina o figota (faisua poo aliao) i totonu o Falealupo . O le a iloiloina foi e le Vaega o Faigafaiva le tulaga talafeagai o le fatinoina o leni ituaiga o atinae i le Afioaga.

##### **Faamatalaga faaopopo – Tufaina o figota**

O le tufaina atu ua faatatauina lea i le aumaia o ni figota poo se ituaiga o figota mai se isi atunuu e faaolaina i se ogasami ua talafeagai lelei. O le tufaina o le figota o le aliao i le tele o atunuu o le Pasefika ua mautinoa ai le tele o ni faamanuiaga na mafai ona seleseleina e nei atunuu. I Fiti na mafai ona toomaga i ai tagata i le aano o le aliao e ave ma mea taumafa . O lona atigi na mafai ona fatauina atu e gaosi ai faamau o ofu i fale gaosi mea . I Atu Kuki e tusa ma le 280 aliao na tufaina atu i ai ma na mafai ona maua mai ai se aofaiga e tusa ma le 200 tone o atigi aliao i le tausaga na faatauina i fale gaosi faamau .I le 1990 na tufaina atu ai i le sami o le motu o Namua Aleipata le 40 o aliao ma e le o mai iloa tonu le tulaga ua oo i ai nei aliao.

I le tele o vaega o le aloalo ma le aau o Samoa i Sísifo o lo o maua ai figota e pei o le pae , asi ma le tugane . O nei figota ua mautinoa lo latou faitiitia talu ai o le fagotaina e tagata mo le fofoga taumafa ae ua faapena foi ona faatamaiaina o latoui nofoaga e afa malolosi. I le tele o nofoaga ua le toe maua ai ni figota pau le faamoemoe o le aumaia lea o ni figota mai nisi atunuu ma tufaina atu i ai aua le faaolaina i nei vaega o le gataifale.

##### **Fuafuaga Faataatitia a le Afio'aga**

*E ao i le Afio'aga ona -:*

- \* Galulue faatasi ma le afaigaluega a le Ofisa o Faigafaiva i le faatinoga o le iloiloga pe talafeagai ma lelei le gataifale o Falealupo i le tufaina atu ma le faafaatoagaina o i'a ma figota.(faisua ma aliao)

- \* Auiliiliina o se lipoti i suesuega o le talafeagai o le gataifale , ma ia faia se faaiuga i le faatinoina o nei atinae i totonu o Falealupo.
- \* Galulue faatasi mo le leoleoina o nei atinae ma vaaia o tagata o lo o latou faatamaia ma solia tulafono e faatatau i nei atinae.

### **Fuafuaga Faataatitia a le Ofisa o Faigafaiva**

*E ao i le Ofisa o Faigafaiva -;*

- \* O le a tuuina atu ni fautuaga ma ni faamatalaga mo le tausiga o figota e pei ona taua i luga . O le a faia iai sailiiliga a le ofisa i ogasami e talafeagai mo ia atinae.
- \* Fesoasoani i le vaaia ma le mataituina o le sologa lelei o le tuputupu ae o figota ua atinaeina.

### **4.5 Ia unaia Faigafaiva i tuuau ma Aoaoga mo faigafaiva Otootoga**

E mafai ma faaono faaleleia le tamaoaiga o i'a ma figota maua i luga o l aau ma vaega o le gataifale ua faaleagaina pe afai ae faaitiitia le fagotaina o nei vaega o le gataifale po'o o le unaia o tulaga tau faigafaiva i tuuau ma aau mamao . O se tasi o auala e faaono faalelei ai le tamaoaiga o le gataifale o le fagotaina lea o ogasami o le gataifale e lei fagotaina lava aemaise o tuuau .

Ua i ai le talitonuga i le KFVL e ao ona unaia ma faamalosi le faigafaiva i tuuau ma aau mamao ina ia tuumamaina ai le fagotaina o i'a ma fagota o le aau ma le aloalo . Ua le gata foi i lea , ae o le a mafai ai ona toe faatupulaia ma faaleleia ai le tamaoaiga o le tele o vaega o le gataifale ua faaleagaina . Talu ai ona o le tele o nuu e leai ni vaa e talafegai mo fagotaga i tuuau o lea ua taumafai ai le Ofisa o Faigafaiva e sailia ni vaa talafeagai ma lea faamoemoe.

### **Fuafuaga Faataatitia a le Afioaga**

Ua faatalosagaina e le afioaga le Ofisa o Faigafaiva mo se vaa fagota se Tasi (1) , tusa lona umi ma le 15 futu, e ala atu lea i le Vaega o Faigafaiva.

Ia talosagaina le Vaega o Faigafaiva ma ia faatinoina se aoaoga i auala tau faigafaiva e aoaoina ai le autautai o le nuu ma ia faatautaia e se Alii Ofisa o Faigafaiva ua i ai se tomai faapitoa tau faigafaiva faa-onapo nei..

**Faamatalaga faaopopo - Vaa mo fagotaga i tuaau;** O le leai o ni vaa talafegai mo fagotaga i tuaau o le ala lea ua avaea ma vaegase i le unaia o faigafaiva i tuaau. E leai se vaa fagota e i le va o le alia ma le paopao, ma o se vaa i lea va ua talafeagai, ua filifilia ai le vaa e i le va o le 14-16ft ma o lona tau e itiiti ifo o le \$10,000.00 tala tuufatasi i ai ma lona afi (15HP), tasi le maea, tasi le taula, Tolú ofu faaola, lua foe ma mea fagota e tusa lona tau ma le Aus\$200.00. O lenei ituaiga vaa e mafai ona faaauvaaina e ni tagata se toa 2 pe 3 foi ma e mafai ona faaogaina lenei vaa i faigafaiva i tuaau. O le a fesoasoani le Ofisa o Faigafaiva i aiaiga taitasi i mea tau nonoga tupe aua le faatauina o le vaa ma le afi. O le a faia foi ni aoaoga mo le saogalemu i luga o le sami, teina ma le vaaia lelei o i'a tausiga o vaa atoa ai ma le faiga o mea fagota.

### **Fuafuaga Faataatitia a le Ofisa o Faigafaiva**

O le a ioiloina e le Ofisa o Faigafaiva manaoga i auala tau faigafaiva e ao ona fesoasoani ai e aoaoina ai le mamalu o le autautai o le Afio'aga. O itu taua o le a aafia i nei aoaoga e pei o le teuina ma le vaaia lelei o ia, saogalemu i luga o sami, tausiga o afi vaa, faa'asuina o i'a ma isi lava mataupu taua.